

Na osnovu člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14 i 13/14), člana 19. stav 1. tačka 2), člana 21. stav 4. i 5. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10), člana 9. Zakona o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13), člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj 7/10) i člana 3. Odluke o pokretanju procedure kreditnog zaduženja Zeničko-dobojskog kantona („Službene novine Zeničko-dobojskog kantona“, broj: 1/14), Vlada Zeničko-dobojskog kantona, na svojoj 182. sjednici, održanoj 12.09.2014. godine, donosi

ODLUKU

o dugoročnom kreditnom zaduženju Zeničko-dobojskog kantona

Član 1.

(Odobrovanje kreditnog zaduženja Zeničko-dobojskog kantona)

Nakon okončanog postupka javne nabavke izbora najpovoljnije banke za dugoročno kreditno zaduženje Zeničko-dobojskog kantona u 2014. godini po LOT-u 2 javnog poziva, odobrava se dugoročno kreditno zaduženje Zeničko-dobojskog kantona u 2014. godini u iznosu od 5.000.000,00 KM (slovima: petmiliona i 00/100 KM), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi - uslovi kreditnog zaduženja)

Kreditno zaduženje iz člana 1. ove odluke izvršit će se sa sljedećim elementima (uslovima):

- a) iznos kredita (maksimalni iznos glavnice duga): 5.000.000,00 KM (slovima: petmiliona i 00/100 KM), plus pripadajuće kamate,
- b) kamatna stopa – 4,75 % na godišnjem nivou - fiksno,
- c) rok otplate kredita – 2 godine (u koji nije uključena jedna godina grace perioda),
- d) grace period – 1 godina (ne uračunat u rok otplate kredita),
- e) troškovi obrade kredita – 0,75 % jednokratno,
- f) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnim bankom, nakon okončane procedure javne nabavke,
- g) sredstvo obezbjeđenja: mjenice, (bez hipotekarnog obezbjeđenja),
- h) svrha zaduženja: finansiranja budžetskog deficita Zeničko-dobojskog kantona,
- i) Vlada Zeničko-dobojskog kantona preuzima obavezu osiguranja sredstava za otplatu unutrašnjeg duga po ovome kreditu po njegovom prispjeću u Budžetima Kantona u narednim godinama,
- j) Zaduzenje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2014. godinu i Zakonom o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13),
- k) dospijeće i uvjeti otplate u skladu sa ovim elementima biće precizirani ugovorom o kreditu i otplatnim planom.

Član 3.

(Saglasnost Ministarstvu finansija za zaključenje i potpis ugovora)

(1) Daje se saglasnost Ministarstvu finansija da u ime Vlade Zeničko-dobojskog kantona zaključi Ugovor o dugoročnom kreditu u iznosu 5.000.000,00 KM (slovima: petmiliona i 00/100 KM), sa INTESA SANPAOLO BANKOM d.d. BOSNA I HERCEGOVINA, pod uslovima iz člana 2. ove odluke.

(2) Ovlašćuje se ministarica Ministarstva finansija da potpiše ugovor iz stava 1. ovog člana, mjenice kao sredstvo obezbjeđenja navedenog kredita, kao i sve naloge i druge akte potrebne za prenos sredstava na račun Kantona, te za realizaciju kredita.

Član 4.

(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02- /14

Datum, 12.09.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Skupština Zeničko-dobojskog kantona,

1x Stručna služba Vlade,

1x Ministarstvo finansija,

1x „Službene novine Zeničko-dobojskog kantona“,

1x a/a.